

Br. protokola:
Sarajevo, 17.04.2012.

POZIV ZA MEDIJE

Centar za kulturu dijaloga pod pokroviteljstvom UNDP-a je započeo sa implementacijom projekta „Kroz debatu saznajmo više o HIV-u“. Projekat će biti implementiran u periodu 01.03. – 30.11.2012. godine. Ciljevi projekta su:

- Jačanje svijesti mladih o važnosti informiranosti o HIV-u, seksualnom i reproduktivnom zdravlju, metodima HIV prevencije i razbijanju predrasuda spram inficiranih osoba.
- Edukacija učenika, nastavnika, roditelja i cjelokupne lokalne zajednice o HIV-u kroz direktan angažman mladih
- Vršnjačka edukacija i međusobna komunikacija mladih u širenju informacija o HIV-u
- Podsticanje mladih na različite aktivnosti u školi sa ciljem bolje informiranosti i širenja informacija o problemu HIV-a.
- Edukacija mladih za istraživanje i zagovaranje rješavanja problema koje sami identifikuju.
- Smanjenje stigme i diskriminacije prema osobama sa rizikom od HIV infekcije.

U Projektu učestvuju mladi iz cijele BiH, kao i njihovi profesori, roditelji i šira lokalna zajednica.

Pozivamo vas da medijski podržite prvu zajedničku aktivnost srednjoškolaca, studenata i srednjoškolskih profesora u BiH, i na taj način, kao važan segment bh. društva doprinesete edukaciji svih građana BiH o HIV-u/AIDS-u. Prva zajednička aktivnost je seminar i interaktivna radionica „Kroz debatu saznajmo više o HIV-u“ koji će biti održan u hotelu „Grand“ u periodu 21.-22.04.2012. Seminar počinje **21.04.2012. u 11.45 sati.** Tokom Seminara će učenici, studenti i srednjoškolski profesori zajedno učiti važne činjenice o prevenciji HIV-a/AIDS-a i predložiti planove kako spriječiti širenje infekcije i bolesti u BiH. Cilj Seminara je ukazati svim učesnicima na važnost zaštite od HIV virusa, ali i ukazati na predrasude sa kojima se zaraženi i oboljeli suočavaju, te načine na koje se treba boriti protiv predrasuda.

CKD želi ovim aktivnostima ukazati na činjenicu da je neophodno javnost educirati o pošasti današnjice ne samo 1. Decembra – Svjetskog dana borbe protiv AIDS-a, već i tokom cijele godine kako se BiH ne bi našla na crnoj listi zemalja sa rapidnim povećanjem broja oboljelih. April je ujedno i mjesec u kojem se obilježava i Svjetski dan zdravlja i stoga učestvujmo zajedno u ovoj plemenitoj aktivnosti. **Zajedno možemo učiniti da BiH ostane zemlja sa niskim procentom oboljelih i postane zemlja sa visokim procentom tolerancije za oboljele!**

Dobro nam došli!



PROJEKAT: "Kroz debatu saznajmo više o HIV-u"



Empowered lives.
Resilient nations.